

Broj: 460/24

Shodno odredbama Zakona o igrama na sreću FBiH (“Sl. novine FBiH”, br. 48/2015 i 60/2015 - ispr.), te odredbama Pravilnika o sadržaju pravila uslovima i načinu priređivanja nagradnih igara FBiH (“Sl. novine FBiH”, br. 30/2016, 63/2019, 92/2020, 12/2022, 67/2023 i 53/2024), društvo “DOMOD” d.o.o. Sarajevo, ul. Donje Telalovo polje bb, Sarajevo -Novi Grad, JIB: 4201952400002, MBS: 65-01-0135-14 zastupano po zakonskom zastupniku Sejmenović Zlatku, direktoru društva dana 24.10.2024. godine u Sarajevu, donosi slijedeća

## **PRAVILA NAGRADNE IGRE**

### **“Račun priloži i Gorenje kuhinju složi”**

#### **Član 1.**

Ovim Pravilima priređivač organizuje nagradnu igru u robi pod nazivom **“Račun priloži i Gorenje kuhinju složi”** (u daljem tekstu: Nagradna igra), te ova Pravila sadrže odredbe koje se odnose na Priređivača nagradne igre, Način organizovanja nagradne igre, Nagradni fond, Uslove za učešće, Način obavještanja učesnika u nagradnoj igri, Odgovornost organizatora prema učesnicima nagradne igre, kao i druga pitanja od značaja za organizovanje nagradne igre u robi i uslugama.

### **1. ORGANIZATOR – NAZIV, SJEDIŠTE I JIB PRIREĐIVAČA**

#### **Član 2.**

Organizator nagradne igre **“Račun priloži i Gorenje kuhinju složi”** je “DOMOD” d.o.o. Sarajevo, ul. Donje Telalovo polje bb, Sarajevo -Novi Grad, JIB: 4201952400002, MBS: 65-01-0135-14, u daljem tekstu: Organizator.

#### **Član 3.**

Nagradna igra se priređuje s ciljem promoviranja društva i proizvoda.

### **2. NAZIV, TRAJANJE, SVRHA I NAČIN OBAVEŠTAVANJA UČESNIKA U IGRI O PRAVILIMA IGRE**

#### **Član 4.**

Naziv nagradne igre je **“Račun priloži i Gorenje kuhinju složi”**.

Nagradna igra **“Račun priloži i Gorenje kuhinju složi”** počinje 25.11.2024. godine i traje do 25.01.2025. godine.

Pravila nagradne igre će biti objavljena u dnevnom listu koji se distribuira na području održavanja Nagradne igre i na web stranici [www.domod.ba](http://www.domod.ba) i to najmanje sedam dana prije početka nagradne igre.

Datum objavljivanja uslovljen je datumom dobijanja odobrenja za organizovanje nagradne igre od strane nadležnih organa

#### **Član 5.**

Svrha nagradne igre je promocija proizvoda organizatora.

### **3. PODRUČJE ORGANIZACIJE I PROVOĐENJA NAGRADNE IGRE**

#### **Član 6.**

Nagradna igra se organizuje na Području Federacije Bosne i Hercegovine.

### **4. PRAVO NA UČEŠĆE**

#### **Član 7.**

Sva punoljetna fizička lica, državljani BiH sa stalnim prebivalištem u istoj imaju pravo da učestvuju u Nagradnoj igri, izuzev lica zaposlenih kod priređivača, klijenta, marketinških agencija koje je priređivač angažovao u promociji Nagradne igre, kao i članova njihovih najužih porodica (supružnici, djeca, te roditelji i rođena braća i sestre ukoliko sa njima žive u zajednici).

Ukoliko je dobitnik nagrade lice lišeno poslovne sposobnosti, nagradu će za njega i u njegovo ime primiti zakonski zastupnik, nakon potpisivanja izjave kojom se Priređivač oslobađa svake odgovornosti koja može nastati u vezi dodjeljivanja nagrade, kao i plaćanja štete ili zahtjeva ma kakve prirode u vezi sa tim. Svojstvo zastupnika se dokazuje važećom originalnom dokumentacijom (Odluka o starateljstvu).

Dobitnik glavne nagrade mora imati važeću ličnu kartu.

Organizator zadržava pravo da, po sopstvenom nahođenju, izvrši mjere provjere gore navedenih činjenica.

#### **Član 8.**

Učešćem u nagradnoj igri svi učesnici prihvataju njena pravila.

Dobitnici nagrada pružiće sve informacije i dokumente potrebne da bi se mogla primjeniti Pravila ove nagradne igre, kao i odgovarajući zakoni.

### **5. USLOVI UČESTVOVANJA**

#### **Član 9.**

Pravo učešća imaju punoljetna fizička lica, državljani BiH sa prebivalištem u istoj, koji u periodu trajanja nagradne igre na bilo kojem prodajnom mjestu organizatora u FBiH kupe bilo koji proizvod brenda GORENJE, pri čemu proizvod mora biti označen na fiskalnom računu. Za učestvovanje u nagradnoj igri neophodno je da učesnik preda – ubaci od organizatora pripremljene nagradne kartice u nagradnu kutiju smještenu na promotivnoj postavci organizatora u podružnicama društva DOMOD d.o.o. Sarajevo.

Na nagradne kartice učesnik je dužan čitkim rukopisom upisati slijedeće lične podatke: ime i prezime, adresu, poštanski broj i mjesto prebivališta, broj lične karte, kontakt telefon, email i broj fiskalnog računa na kojem je označen proizvod iz stave 1 ovog člana. Kupac je dužan zadržati svoju kopiju fiskalnog računa kao dokaz

kupovine proizvoda po osnovu kojeg je podnio prijavu za učešće te navedeni fiskalni račun predložiti prilikom preuzimanja nagrade.

Nepotpuni podaci se neće uzimati u obzir.

### Član 10.

Nagrada se ne može prenijeti na drugu osobu i ne može se prodati.

## 6. IZNOS NAGRADNOG FONDA, VRSTA, BROJ I VRIJEDNOST DOBITAKA

### Član 11.

TABELA 1. UKUPNI NAGRADNI FOND U KM

TABELA 1. NAGRADNI FOND U KM				
	NAZIV NAGRADE	UKUPAN BROJ NAGRADA	CIJENA SA PDV-OM (KM)	CIJENA/ UKUPNO SA PDV-OM (KM)
GLAVNA NAGRADA	POKLON VAUČER ZA GORENJE KUHINJU (frižider, pećnica, ploča, mikrovalna, napa, mašina za suđe)	1	5.000,00 KM	5.000,00 KM
OSTALE NAGRADE	MALI KUHINJSKI APARATI GORENJE (usisivač, toster, kuhalo, mikrovalna ili friteza)	5	300,00 KM	1.500,00 KM
	POSUĐE GORENJE	3	300,00 KM	900,00 KM
<b>NAGRADE UKUPNO SA PDV-OM (KM)</b>			<b>7.400,00 KM</b>	

Broj nagrada je ograničen i ni u kom slučaju neće biti dodijeljeno više nagrada od broja predviđenog ovim pravilima.

*\* Organizator ne preuzima bilo koji oblik odgovornosti, niti otklanja bilo kakvu vrstu odštete zbog sudjelovanja u Nagradnoj igri.*

## 7. IZVLAČENJE DOBITNIKA NAGRADA

### Član 12.

Izvlačenje dobitnika biće provedeno putem slučajnog odabira u prostorijama organizatora dana 31.01.2025. godine u 13:00 h uz prisustvo tročlane komisije, čije će članove imenovati organizator ove nagradne igre.

Izvlačenje sretnog dobitnika će se odrediti tako što će se izvući po jedna osnovna i 2 (dvije) rezervne nagradne kartice, uz provjeru od strane Komisije za izvlačenje da je kartica pravilno popunjena.

Prvi rezervni dobitnik je nagradna kartica koja je izvučena slijedeća nakon prve pobjedničke nagradne kartice i koji će dobiti nagradu u slučaju da prvo izvučena nagradna kartica bude diskvalifikovana kao dobitnik ili odbije da prihvati nagradu iz bilo kog razloga propisanog ovim pravilima.

Drugi rezervni dobitnik je nagradna kartica koja je izvučena slijedeća nakon prve izvučene rezervne nagradne kartice i koji će dobiti nagradu u slučaju da prvo izvučena nagradna kartica i prva rezervna kartica budu diskvalifikovani kao dobitnici ili odbiju da prihvate nagradu iz bilo kog razloga propisanog ovim pravilima.

### **Član 13.**

Izvlačenje dobitnika nagradne igre vršiće se isključivo u prisustvu članova komisije.

O ishodu utvrđivanja dobitnika vodi se zapisnik koji obavezno mora sadržavati:

- a) mjesto, vrijeme i način izvlačenja dobitnika
- b) broj i datum odobrenja Ministarstva,
- c) datum i naziv medija u kojem su pravila nagradne igre objavljena,
- d) imena i prezimena članova komisije,
- e) imena, prezimena i adrese dobitnika,
- f) naziv i vrijednost nagrade

### **Član 14.**

Nadzor na provođenjem postupka utvrđivanja dobitnika nagradne igre provodi komisija koju čini tri člana i to:

- Klisura Azra
- Vuk Benjamin
- Gugić Samra

## **8. OBJAVA DOBITNIKA NAGRADA**

### **Član 15.**

Ime dobitnika će biti objavljeno na web stranici [www.domod.ba](http://www.domod.ba) odmah nakon izvlačenja, te u jednim dnevnim novinama, najkasnije do 28.02.2025. godine.

## 9. PREUZIMANJE NAGRADA

### Član 16.

Pobjednik će biti kontaktiran mailom ili telefonom (koji je ostavio u trenutku učešća u nagradnom takmičenju) nakon završetka takmičenja, a ne kasnije od 8 dana od dana završetka nagradne igre.

Dobitnik može preuzeti nagradu u roku od 26 dana od dana prijema obavijesti u najbližoj poslovnicu Organizatora po dogovoru sa dobitnikom nagrade.

Ukoliko dobitnik ne preuzme osvojenu nagradu u roku iz prethodnog stava ovog člana, priređivač će ponovo obavijestiti dobitnika o osvojenoj nagradi, pri čemu dobitnik ima pravo preuzeti nagradu u dodatnom roku od 3 dana od prijema obavijesti.

Dobitnik nagrade je u obavezi da u roku od 5 radnih dana od dana obaveštenja o osvojenoj glavnoj nagradi, dostavi priređivaču pisanu Izjavu o prihvatanju glavne nagrade. Predmetna Izjava se može dostaviti preko pošte ili lično na adresu ul. Donje Telalovo polje bb ili preko adrese elektronske pošte: [info@domod.ba](mailto:info@domod.ba). Uz predmetnu izjavu Dobitnik je dužan dostaviti i svoju kopiju fiskalnog računa po osnovu kojeg je učestvovao u nagradnoj igri.

U slučaju da dobitnik nagrade ne dostavi Izjavu o prihvatanju glavne nagrade sa kopijom fiskalnog računa u roku i na način propisan u prethodnom stavu, isti gubi pravo na glavnu nagradu, te se ista dodjeljuje slijedećem rezervnom dobitniku.

U slučaju da priređivač iz registriranih podataka ne bude u mogućnosti kontaktirati glavnog dobitnika, ili isti bude diskvalificiran ili odbije da primi nagradu iz bilo kojih razloga, nagrada će se dodijeliti slijedećem rezervnom dobitniku.

### Član 17.

Organizator ima obavezu da obavijesti pobjednika o mjestu i vremenu preuzimanja nagrade.

Organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

Svaka greška i/ili propust prilikom dostave podataka od strane učesnika, neće proizvoditi bilo kakvu odgovornost Organizatora, odnosno tačnost kontakt podataka dostavljenih od učesnika je isključivo njegova odgovornost.

Organizator neće biti odgovoran u slučaju da učesnik koji je utvrđen kao pobjednik ne bude dostupan za preuzimanje nagrade, niti će biti odgovoran za bilo koje nedostatke ili kašnjenje u vezi sa isporukom nagrade.

### Član 18.

Priređivač ne snosi troškove prevoza ili putovanja, montaže, niti bilo kakve druge eventualne troškove dobitnika povezane s preuzimanjem nagrade.

Osvojenu nagradu dobitnik ne može da prenese na drugo lice, te shodno tome ako iz bilo kog razloga dobitnik nagrade nije u mogućnosti da istu iskoristi onda će se glavna nagrada dodeliti slijedećem rezervnom dobitniku.

Osvojenu nagradu dobitnik kod priređivača ne može zamijeniti za novčanu protuvrijednost niti za bilo koju drugu nagradu.

Bilo kakve pritužbe na nagrade, neće biti uzimane u obzir niti će organizator i njegovi podizvođači imati bilo kakve odgovornosti po tom pitanju.

Eventualna obaveza plaćanja poreza na dohodak bit će izvršena u skladu sa propisima Zakona o porezu na dohodak FBiH, koji reguliraju obavezu uplate poreza od nagradnih igara.

Troškove poreza snosi Organizator nagradne igre.

## **10. OTKAZIVANJE**

### **Član 19.**

Organizator ima pravo da, uz prethodno pribavljenu saglasnost Federalnog ministarstva finansija, jednostrano otkáže nagradnu igru u bilo kojoj fazi, uz obavještenje, ukoliko bi došlo do povrede ili teške zloupotrebe Pravila ili događaja koji imaju karakter više sile, te javno objaviti otkazivanje u dnevnim novinama u kojima su Pravila i objavljena.

Ukoliko nastane neka od navedenih okolnosti, izvlačenje i distribucija nagrada biće odmah obustavljeni jednostranom odlukom Organizatora, nezavisno od potrebe za njenim eventualnim objavljivanjem.

U tom slučaju neće se nadoknaditi troškovi, direktna ili indirektna šteta učesnicima u nagradnoj igri, niti će se nagradna igra održati.

Nagradna igra se može prekinuti prema odluci Organizatora.

U slučaju više sile, povrede Pravila nagradne igre, te teške zloupotrebe Pravila nagradne igre. Organizator ne snosi nikakvu odgovornost u slučaju prekida nagradne igre iz navedenih razloga.

## **11. ZVANIČNA PRAVILA NAGRADNE IGRE**

### **Član 20.**

Samim učešćem u ovoj nagradnoj igri učesnici prihvataju da ih ova Pravila obavezuju. Odluke Organizatora donesene prema Pravilima nagradne igre konačne su i obavezujuće za sve učesnike.

Organizator ima pravo da jednostrano dopuni ili promijeni Pravila, uz prethodno pribavljenu saglasnost Federalnog ministarstva finansija te javno objavljivanje u dnevnim novinama i na [www.domod.ba](http://www.domod.ba) na kojima su Pravila i objavljena.

Odobrenje za organizovanje nagradne igre i saglasnost na Pravila nagradne igre je prethodno dalo Federalno ministarstvo finansija.

## **12. SAGLASNOST**

### **Član 21.**

Učestovanjem u nagradnoj igri svaki učesnik prihvata prava i obaveze iz ovih Pravila, s tim da dobitnik nagrade takođe pristaje:

- da se njihovi podaci o ličnosti koji su dostupni priređivaču čuvaju u skladu sa Zakonom o zaštiti ličnih podataka i da isti mogu biti korišteni samo u marketinške svrhe priređivanja nagradne igre isključivo uz njihovu prethodnu saglasnost shodno članu 5. Zakona o zaštiti ličnih podataka (Objavljeno u “Sl. glasnik BiH”, br. 49 od 27 juna 2006, 76/11, 89/11)
- da se njihovo ime javno objavi u skladu sa pozitivnim propisima,
- da se njihovi lični podaci: ime, prezime, slika i video materijal, mogu od strane priređivača koristiti na način da se objave u štampanom, zvučnom, slikovnom i video materijalu bez naknade, a isključivo u svrhe priređivanja ove nagradne igre i isključivo uz njihovu prethodnu saglasnost shodno članu 5 Zakona o zaštiti ličnih podataka (Objavljeno u “Sl. glasnik BiH”, br. 49 od 27 juna 2006, 76/11, 89/11)

Učesnici i dobitnici u ovoj nagradnoj igri saglasni su da je sav gore pomenuti materijal vlasništvo priređivača, te se obavezuju da će se uzdržati od bilo kakvih postupaka prema priređivaču po osnovu prava korištenja i/ili vlasništva navedenog materijala.

### **13. ZAŠTITA LIČNIH PODATAKA**

#### **Član 22.**

Učešćem u nagradnom takmičenju, učesnik se obavezuje da pristaje na ove uslove održavanja nagradne igre. Pobjednik nagradnog konkursa se obavezuje na pristanak da njegovo ime, podaci, budu korišteni u svrhu publiciteta organizatora nagradnog konkursa. Svi podaci učesnika u nagradnom konkursu biće korišteni od strane organizatora nagradnog konkursa ali samo u skladu sa zakonom o korišćenju i čuvanju podataka i neće biti dati na uvid trećim licima bez prethodne konsultacije i odobrenja od strane vlasnika podataka. Prihvatajući učešće u nagradnom takmičenju, Učesnik je u skladu sa Zakonom o zaštiti ličnih podataka Sl. glasnik BiH, broj: 49/06, 76/11 i 89/11 saglasan sa činjenicom da se njegovi lični podaci mogu u slučaju potrebe koristiti od strane Organizatora i partnera nagradne igre. Organizator se obavezuje da neće otkrivati lične podatke učesnika trećim neovlaštenim licima.

Svi podaci učesnika u kampanji će biti korišteni isključivo u svrhu uspješne realizacije kampanje i neće biti korišteni u druge svrhe ili za potrebe trećih lica, bez prethodne saglasnosti učesnika.

#### **Član 23.**

Organizator i njegovi podizvođači imaju pravo da preduzmu sve potrebne mere u slučaju bilo kakvog pokušaja prevare sistema, zloupotrebe ili bilo kojih drugih pokušaja koji mogu utjecati na imidž ove kampanje ili ntern koji se promovise. U slučaju bilo kakvog spora o validnosti takmičenja, načina utvrđivanja najuspješnijih učesnika, dodjele i isporuke nagrade, odluke organizatora će biti konačne, u skladu sa ovim Pravilima.

Organizator ne snosi odgovornost za:

- greške u podacima, prijemu podataka dostavljenih od strane učesnika, budući da je to isključiva odgovornost učesnika;
- nemogućnost ili nedostupnost dobitnika da preuzme ili realizuje nagradu, niti za kašnjenja u isporuci nagrada;
- žalbe na osvojenu nagradu;
- bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fond

**Član 24.**

Priredivač neće snositi odgovornost za pretrpljenu materijalnu ili nematerijalnu štetu (uključujući stvarnu štetu i izmaklu dobit), koji nastalu kao posljedica učestovanja u nagradnoj igri i osvajanja nagrade, izuzev odgovornosti koja se ne može zakonski izuzeti.

**14. U SLUČAJU SPORA****Član 24.**

Potencijalni sporovi koji se dogode između Organizatora i učesnika o bilo kom pitanju u vezi sa realizacijom konkursa rješavat će se sporazumno, a u slučaju da mirno rješenje ne bude moguće, spor će biti rješavan od strane nadležnog suda.

Odluke organizatora u vezi sa realizacijom kampanje su konačne i obavezujuće za sve učesnike. Organizator ima pravo da preduzme sve potrebne mjere u slučaju bilo kakve prevare na sistemu, zloupotrebe ili bilo kog drugog pokušaja koji mogu utjecati na imidž ili troškove organizacije i sprovođenje konkursa.

U slučaju spora između Organizatora i učesnika ove nagradne igre nadležan je Općinski sud u Sarajevu.

**Član 25.**

Pravila stupaju na snagu po dobijanju saglasnosti od strane nadležnog organa.

Broj: 460/24  
Sarajevo, 24.10.2024. godine

DOMOD d.o.o. Sarajevo

---

Sejmenović Zlatko, direktor